

# Май 6 – Тыва Республиканың Конституциязының хүнү



# ШЫН

## НИИТИЛЕЛ-ПОЛИТИКТИГ СОЛУН

1925 чылдың  
август 31-де үнүп  
эгелээн

№ 70 (16844)

2004 чылдың  
МАЙ 6,  
четверг

Номерни парлалгаже  
дужааганы:  
график езугаар — 21.00,  
херек кырында — 17.15.  
Садар өртээ 3 рубль.

### ХҮНДҮЛҮГ ХА-ДУҢМА!

Бөгүн Тыва Конституция хүнү демдеглээр. 2001 чылдың май 6-да бүгү чоннун референдумунун үезинде амыдыратче күштүг болуп кирер эргени алган чаа Үндезин Хоойлу-дур. Бо үе дургузунда ол тодаргай чаа утка-биле долдунуп четтигипкен. Ооң үндезининге республиканың дээди албан-дужаалдыг кижизиниң — Тыва Республиканың Чазааның Даргазының соңгулдалары болуп эрткен, Тываның ийи палаталыг Улуг Хуралы (парламентизи), Тыва Республиканың Конституция суду тургустунган. Ынчангаш үш чыл мурнунда эгези тургустунган конституция тургузуушкунунун чорудулгазы чедишкинниг уламчылап турар. Ынчан республиканың соңгукчулары демократияны хөгжүдеринче күрүне тургузуун болгаш чоннун эрге-чагыргазын быжыглаарынче боттарының шилишкенин кылганнар, ол чорук Тываның экономиказын быжыглаарыга болгаш ооң хамаатыларының төлептиг амыдыралын чедип алырынга таарымчалыг байдалдарны тургузуп турар.

1999 чылдан эгелээш, республикага, ниитизи-биле Россияны-биле бир дөмей, экономиктиг байдал экижип эгелээн. Беш чылдар дургузунда ниити регионал продукт 1,3 катап, кол капиталда инвестиция — 1,8 катап, бюджеттин бодунун орулгалары — 2,8 катап өскөн, а чурттакчы чоннун боттук акша орулгалары 1,9 катап улгаткан. Бо чыл биске онзагай чыл, Тываның Россияның составына эки тура-биле бактаап киргениниң 60 чылын болгаш Кызыл хоорайның тургустунганының 90 чылын демдеглээр бис, Россияның Президентизи В.В.Путинниң Чарлын езугаар федералдыг статус оларга бердинген, ол чорук Тываның ат-алдарының улам өзеринге тодаргай херечи болуп турар. Бо чорук Тываның экономиказының болгаш культуразының хөгжүлдезинге база бир базымны кылып арганы бээр.

Сеткилим ханызындан Тываның чурттакчыларыга кадыкшылды, эки чүвеге бүзүрелди болгаш чаагай кежик-чолду, чаагай кандыг-даа эгелээшкннерге чедишкннерни күзедим!

Тыва Республиканың Чазааның Даргазы Ш.ООРЖАК.

### ХҮНДҮЛҮГ ЧАҢГЫС ЧЕР-ЧУРТТУГЛАРЫМ!

Май 6 — бистин республиканың амыдыралында онзагай хүн. Үш чыл мурнунда бо хүн бүгү улустун референдумунга Тыва Республиканың чаа Конституциязы хүлээп алдынган.

Моон мурнундагы Конституцияларда бүгү-ле бар эки чүүлдерни хевээр арттырышаан, чаа Конституция болза кижиниң демократтыг хосталгаларын болгаш эргелерин бирги черге үндүргөн Россия Федерациязының составында демократтыг эрге-хоойлулуг күрүне болуп бистин республиканың статусун быжыглаан. Чаа Конституция ачызында бистин республика бүгү Россияда чаңгыс аай эрге-хоойлулуг девискээрге чурттап база ажилдап турар, ол чорук тыва база ол ышкаш ниитизи-биле россияжи күрүне тургузуун улам ыңай быжыглаарыга канчаар-даа аажок улуг ужур-дузалыг болуп турар. Тываның чаа Үндезин Хоойлузунда демократияны улам ыңай хөгжүдеринге-даа база республикага рынок экономиказын сайзырадырынга-даа үндезин салдынган.

Бистин Конституциявыс үш чыл дургузунда тодаргай утка-биле долдунган: республиканың дээди албан-дужаалдыг кижизиниң — Тыва Республиканың Чазааның Даргазының соңгулдалары болган, Чаак, ийи палаталыг парламент — Улуг Хурал, Тыва Республиканың Конституция

суду, Саналга палатазы тургустунган база ажилдап турар, кижиниң эргелериниң талазы-биле төлээлекчи институтун республикага тургузар дугайында ажил доостурунун кырында келген. Республиканың башкарылгазының бүрүн эргелеринин болгаш чүүлдериниң хандырылгазы үш чыл дургузунда хоойлу езугаар хүлээп алдынган, амыдыралдың бүгү-ле адырларыга эрге-хоойлу харылзааларын таарыштырар хоойлулар күштүг болуп кирген болгаш күштүг болуп-даа турар.

Конституцияның кол чүүлдерин боттандырар талазы-биле ажил чоруп турар деп бөгүн бүрүн үндезин-биле бадыткап болуп, бистер бүгүдөниң күзээни ышкаш, ыңдыг кончуг шалыпкын эвес-даа болза, боттары-выстың кол сорулгавысче — бистин хамаатыларының экономиктиг болгаш социал чаагай кежинче базым санында бурунгаарлап олар бис.

Тыва Республиканың Улуг Хуралының Хоойлуудулга палатазының депутаттары боттарының соңгукчуларына, Тываның хөй националдыг бүгү чонунга төрөөн республиказының чаагай чоруу дээш, Россияның чаагай чоруу дээш тургузукчу күш-ажылга чедишкннерни, аас-кежин болгаш даартагы хүнге бүзүрелди сеткилдин ханызындан күзеп тур!

Байырлал-биле, эргим чаңгыс чер-чурттугларым!

Тыва Республиканың Улуг Хуралының Хоойлуудулга палатазының Даргазы В.ОЮН.

### ЭРГИМ ЧАҢГЫС ЧЕР-ЧУРТТУГЛАРЫМ!

Тыва Республиканың Улуг Хуралының Төлээлекчилер палатазының депутаттарының өмү-нээзинден Тыва Республиканың Конституция хүнү-биле сеткилдин ханызындан байыр чедиришкенин хүлээп ап көрүңер.

Үш чыл мурнунда республиканың соңгукчулары демократияны хөгжүдеринге, күрүне тургузуун болгаш чоннун эрге-чагыргазын быжыглаарыга ажык-дузалыг болуп кылдыр боттарының шилишкенин кыл-

Республиканың бүгү чурттакчыларына күрүне байырлалы — Тыва Республиканың Конституция хүнү-биле байыр чедирдим!

2001 чылда хүлээп алдынган чаа Конституция Россия Федерациязының субъектизи болуп Тыва Республиканың күрүне тургузуун бактаадырынга чугула үе-чада болган. Республиканың Конституциясында чугула политиктиг болгаш экономиктиг чаартылгалар хоойлу езугаар айыттынган, ниитилелди улам ыңай чаартырының оруктарында демдеглеттинген.

Тыва Республиканың Консти-

туциязы республикага езулуг демократтыг ниитилелди бадыткаарына, күрүне тургузуун болгаш чоннун эрге-чагыргазын быжыглаарына эрге-хоойлулуг үндезин болуп турар, хамааты бүрүзүнге төлептиг амыдыралды болгаш хостуг сайзыралды хандырып турар социал күштүг күрүнени тургузарынче ол уланган.

Россия Федерациязының бүгү чонунун эрге-ажыктарына дүгжүп турар езулуг демократияның принциптеринге бистин шынчы чоруувусту камгалавышаан, ки-

Тыва Республиканың Улуг Хуралының Төлээлекчилер палатазының Даргазы Д.ООРЖАК.

туциязы республикага езулуг демократтыг ниитилелди бадыткаарына, күрүне тургузуун болгаш чоннун эрге-чагыргазын быжыглаарына эрге-хоойлулуг үндезин болуп турар, хамааты бүрүзүнге төлептиг амыдыралды болгаш хостуг сайзыралды хандырып турар социал күштүг күрүнени тургузарынче ол уланган.

Россия Федерациязының бүгү чонунун эрге-ажыктарына дүгжүп турар езулуг демократияның принциптеринге бистин шынчы чоруувусту камгалавышаан, ки-

Тыва Республиканың Конституция судунун Даргазының хүлээлгезин күүседип турар О.Л.-С. САЛЧАК.

гези-биле хандыраы эргежок чугула. Конституция моон соңгаар-даа бистин бурунгаар шимчээшкнниске бүзүрелдиг айтыкчы болуп артар-даа.

Тываның бүгү чурттакчыларына тургузукчу ажилга чедишкннерни, тайбыңны болгаш чаагай кежикти, аас-кежин болгаш даартагы хүнге бүзүрелдиг болурун күзедим!

Байырлал-биле, эргим чаңгыс чер-чурттугларым!

жиниң база хамаатының эргелеринге болгаш хосталгаларына хумагалыг хамаарылгавысты көргүспүшаан, чүгле ыңчан республикавысты чечектелип турар чурт кылдыр чаартып шыдаар бис.

Бо кайгамчыктыг хүн сеткилдин арыг ханызындан бистин хөй националдыг республикавыстың бүгү чурттакчыларына чогаадыкчы ажил-ишке чедишкннерни, быжыг кадыкшылды, аас-кежин, тайбыңны болгаш чаагай кежикти күзедим!

### «Шын» солуннун шаңналы дээш



# "ШЫН"-2004

## ТЫВА ХҮРЕШ МАРГЫЛДААЗЫН

бо чылын Тываның Россияның составына каттышканындан бээр 60 чыл, Кызыл хоорайның тургустунганының 90 чыл оюнга тураскаадып эрттирер.

Бо улуг байырлалга тураскааткан тыва хүреш маргылдаазының май 9-та 12 шакта «Хүреш» стадионунга эгелээрин ыңнадып тур. Аңаа республиканың болгаш найысылалдың эн шыырак мөгелери киржип. Деткикчилерни «Шын» солуннун редакциязы манап тур.

## ДЕТКИКЧИЛЕР

- ТР-ниң Улетпур яамызы (В.О. Ооржак);
- Республиканың Хереглекчилер эвилели (Х.Д. Монгуш);
- Республиканың одаар чүүл сайгарар конторазы (А.Д. Ооржак);
- ТР-ниң Чер курлавырларының болгаш чер тургузуунун күрүне комитетиниң коллективи;
- Александр Калдар-оолович Ооржак (хуу-зунда);
- Каа-Хем кожуун чагыргазы (С.К. Долгар);
- Таңды кожуун чагыргазы (С.Ч. Ондар);
- Эрзин кожуун чагыргазы (А.Ч. Комбу);
- Би-Хем кожуун чагыргазы (В.Н. Гончаров);
- «Тывасвязьинформ» (В.Т. Сандан);
- «Тыва-Алко» КХН (М.С. Нурғалиев);
- «Суй-Белек» ККБ (М.Б. Дагба);
- «Вариант» КТТ (В.Л. Щенников);
- «Шолбан-Ай» КХН (А.Л. Кара-Сал);
- «Sport-city» садыг (С.Климов, О.Уланова).
- «Башкы» журнал (Н.С. Конгар).

- «Тыва Республика» солун (М.К. Калчан).
- Күрүне Думазының депутады Ч.Ч.-Д. Ондар;
- ТР-ниң Улуг Хуралының Хоойлуудулга палатазының депутаттары: Б.Б. Монгуш, Р.С. Монгуш, В.Х. Иргит, Б.К. Балчий-оол, В.С. Орус-оол, В.Б. Ооржак;
- Кызыл хоорай чагыргазы (Д.К. Донгак) «Чараш девиг», «Чараш арга», «Хоочун мөге», «16-же кирген анык мөге» деп тускай шаңналдарны тыпсыр;
- Бай-Тайга кожуун чагыргазы (Д.Ш.-Д. Хертек).
- КТРК «Тыва» (Р.В. Тас-оол), информастыг деткимче;
- «Сылдысчыгаш» солуннун редакциязы (А.С. Шоюн).
- Тере-Хөл кожуун чагыргазы (А.С. Санчат).
- Тес-Хем кожуунунун «Чодураа» КУБ (Д.И. Данзурун).



Даарта — Радио хүнү

## ЧҮГЕ-ДАА ТОРУЛБАС

“Тывахарылзааинформ” - Тыва Республикада эң улуг, чонну чүгле республика иштинге эвес, өске-даа хоорайлар-биле харылзаштырар, оларны хүн бүрү эргежок чугула медээлер-биле хандырап чугула хүлээлгелиг бүдүрүлгө.

Харылзааның, массалыг информацияның электроннуг чепсектериниң хүндүлүг ажилдакчылары!

Радио хүнү-биле эң чылыг байыр чедиришкенин хүлээп ап көрүнер!

Радиокоммуникация болгаш телевизия системазын, спутник болгаш компьютер харылзаазын дамчыштыр оперативтиг информация алыры депшилгелиг чаа технологияларның хөгжүлдөзү чокта болдунмас. Бөгүндө харылзаа бизнестен эгелээш, оюн-тоглаага чедир — кижиниң ажил-чорудулгазының бүгү-ле талаларынче синнигип кирген. Бо бүгү радиону ажитканының ачызында болдунар аргалыг болган. Бо болушкун кижини төрелгетениң төөгүзүндө эң чугула ажилдышкыннарның бирээзи болуп турар. Радио болгаш тележурналистернин, харылзааның бүгү хевирлериниң ажилдакчыларының ажил-чорудулгазы онза уjur-дузалыг. Силер делегей болгаш регионалдар хемчээлдиг болушкуннар дугайында информацияны бир-ле дугаар чедирип, оларның аразында ырак-узак девискээрлер чеже-даа турза, кижилерге харылзажыр органы берип турар силер. Бо ажил болза ажилдакчы кижини бүрүзүндө бедик мергежилди, эртембилигини болгаш салым-чаянныг, бодунга болгаш кады ажилдап турар эш-өөрүнге негелделиг болурун, алыс боттан беримчени, а ол ышкаш бот-сайзыраңгай-жылышкынче чүткүлдү доктаамал негеп турар.

Силерге ажилга чедишкыннерлиг болуруңарны күзээр-дир мен! Аас-кежин, кадыкшылды болгаш чаагай кежикти күзедим!

Хүндүлел-биле,

Тыва Республиканың Чазааның Даргазы  
Ш.ООРЖАК

Ук бүдүрүлгө 1925 чылда баштайгы базимын кылып, бо хүннерге чедир төөгүлүг орукту эрткен. Баштайгы харылзаачыларның бирээзи Я.П.Годяевтиң сактышкыннарнын езугаар алырга, 1925 чылда-ла Минусинск — Кызыл аразына чангыс проводтук харылзаа шугуму шөйдүнүп, телеграф харылзаазы чоруп эгелээн. Бирги телеграфист болгаш салбыр начальниги Дмитрий Дмитриевич Юсупов болган. 30 чылдарның эгезинде баштайгы радио дамчыдылганы (радиовещательный передатчик) ажилдап эгелээн. Ооң баштайгы ажилдакчысы Алексей Дмитриевич Тимофеев болган. 1938-39 чылдарда Кочетов кудумчунга харылзаа бажыны туттунуп турган. Я.П.Годяев ук тудугга база ажилдап, (ынчан ол бичии оол турган) бетон хоюглаар аътты башкарып турган. 1947 чылда Кызыл хоорайның кудумчуларынче телефон кабелин шөйүп эгелээн. Чоорту хоорайлар аразының телефон станциязы база тургустунган. Аңаа Иван Евтифьевич Мехнок ажилдап турган. Оон кожууннарже телефон харылзаазы шөйдүнүп эгелээн. Ук ажилга бо сактышкынның ээзи Я.П.Годяев дыка идепкейлиг кижип турган. Ынчангы харылзааның дериг-херексели аажок бөдүүн турганы чугаажок. Бо бичии сактышкындан алгаш көөрге, тыва харылзааның баштайгы базимнарнын акы-дуңма орус чоннуң төлээлери (үстүндө адаттыганы) изеп, “Тывахарылзааинформнун” сайзыралының эгезин салган бооп турар. Черле ынчаш Тыва Республиканың тускай күрүне

кылдыр бут кырынга быжыгарына орус чоннуң кириген үлүг дыка-ла улуг.

Ук буянныг кижилерниң үндөзүлөп кааны бо хүнгү “Тывахарылзааинформ” ААН амгы үениң сайзыраңгай электроннуг техниказы-биле чепселгенген, Интернет харылзаалыг, чүгле республика иштинге эвес, Россияның өске-даа улуг хоорайлары, харын-даа даштыкы чурттар-биле чоннуң дорт харылзаазын хандырап улуг албан чери болу берген. Тыва харылзаа кадрлары көвүдээн. Ында байдал-биле таныжар дээш “Тывахарылзааинформ” ААН-ниң чигинге директорунун бирги оралакчысы, директорлар чөвүлелиниң даргазы Эрес-оол Александрович Монгушка чеде бердивис. Дарга чедип таныжар черлеривисти айтып, тайылбырлап берди.

Хөй-ниити-биле харылзаа тутар инженер Эдер-оол Мастайовичиниң үдөлгөзи-биле бир дугаарында телеграф өрээлдеринге чеде бердивис. Баштай барган черивисте телеграф ажилын хынап, хайгаарап турар болду. Аңаа инженер Николай Митрофанович Тохтуев кайда, кандыг абонентиниң канчаар ажилдап турарын “Дионис” деп электроннуг машинаның дузазы-биле билип ап, хайгаарап турарын дыңнатты. Өске дериг-херексели колдуунда компьютерлер болду. Оларның бирээзинде администратор Ирина Александровна Шаповалова ажилдап ор. Клиентилер хүлээп ап, оларның-биле ажилдаар телеграф өрээли адаанда бирги кагытта болду. Оларның чанында

интернет харылзаазы бар болду. Дараазында электроннуг коммуникация станциязынга чеде бердивис. Ооң начальниги аныяк эр Орлан Маадыр-оолович Серен олар хоорайлар аразында база Тываның кожууннарында



“Тывахарылзааинформ” ААН-ниң чигинге директору В.Т.Сандаң.

телефон станцияларының ажилын кол хандырып турарын, бүгү-ле харылзаалар оларны таварты эртип турарын тайылбырлады. Чижээлээрге, АЦП (аналого-цифровой преобразователь) деп машина эрги электрелиг телефон станциялары-биле чаа электроннуг цифровой телефон станцияларының аразында ажилын таарыштырар, эрги станциядан келген медээлерни чаа электроннуг телефон станцияларынче “очулдуруп” бээр болган. Электроннуг санныг телефон станциялары амдызында чүгле Кызылда, Сарыг-Септе, Чадаана, Бай-Хаакта тургустунган болгай. Өске кожууннарда эрги электрелиг телефон станциялары хевээр. Ынчангаш АЦП деп машина дыка ажыктыг бооп турар. Сөөлүндө шупту кожууннар электроннуг санныг телефон станцияларлыг апарга, ооң херээ чок апарын Орлан Маадыр-оолович чугаалады.

Ооң соонда ЛАЦ-ка (линейно-аппаратный цех) чеде бердивис. Анаа ук адырның начальниги Николай Павлович Беспрозванный космос-биле харылзаа тутар станцияны көргүстү. Космоста эдеринчилер дузазы-биле ам Кунгуртут, Мөңгүн-Тайга, Тожу дээн чижектиг ырак черлер-биле харылзажып болур арга бар апар. Мөңгүн-Тайга кожуун-биле ындыг харылзаа шуут тургустуна берген. Оон чоруткаш, информастыг технология салбырынга (отдел информационной технологии) келдивис. Орта Николай Павлович ук салбырның интернет, пейджер, электроннуг почта ажилдарын хандырып турарын тайылбырлады. Ында операторлар А.А.Кокорина, О.Н.Берген, О.Ю.Нугманова олар ажилдап турар болду. Оон эрги АТС-3-че кирип, ында

байдал-биле таныштывыс. Ол бүгү-биле танышкаш, электроннуг санныг технологияның бистин Тывада безин хөйү-биле кээп сайзырап турарын, ол талазы-биле аныяк специалистеривистин хөй болуру дыка-ла күзөңгү-дир дээрзин бодап турдум. Тыва кижини бүрүзү математика, физика эртемнеринге билии ханы болур чорукту чедип алыры эргежок чугула-дыр.

“Тывахарылзааинформ” ААН-ниң амгы чигинге директору Валерий Таан-оолович Санданың чугаазындан алгаш көөрге, ук албан чериниң ажилы чылдан чылче рынок экономиказынче эде чаарттынып, көскү чедишкыннерни чедип ап турар. Сөөлү 2003 чылда ук бүдүрүлгө чер-черлерде телефон станцияларыга хамаарыштыр орулга планын 101 хуу, хоорайның телефон станциязынга хамаарыштыр 103 хуу күүсеткен. Кожууннарның электроннуг харылзаа станциялары бүдүрүлгө программаларын эки күүседип турар. Эң эки ажилдыг харылзаа төптөри Шагаан-Арыг, Чадаана хоорайларда, Самагалдай, Эрзин, Хандагайты суурларда бооп турар.

Чоннуң телефон харылзаазын амыдыралына ажыглап турары чылдан чылче өзүп турар. “Тывахарылзааинформнун” орулгазының тургузуун алгаш



ри Эдер-оол Мастайович Күжүгет менээ берди. Кожууннарның электрелиг харылзаа белдирлеринден Самагалдайда (даргазы М.И.Балчыр), Шагаан-Арыгда (даргазы А.А.Ахметов), Эрзинде (даргазы А.В.Сотпа) эки ажилдап турар. Өзүлдөзүниң дүргени болгаш саң-хөө талазы-биле чедишкыннери дээш Хандагайтыда электрелиг харылзаа белдириниң начальниги Долаана Бырынаевна Монгушту демделеп каары эргежок чугула. Эң эки менеджерлер хереглекчилер-биле ажилдаар саң-хөө, учет албанының начальниги Зоя Айзатовна Монгуш, радиофикация участогунун начальниги Людмила Васильевна Забелна, шынар болгаш сайзырал салбырының начальниги Марина Николаевна Шоова олар бооп турар.

Сөөлү чылдарда мергежил аайы-биле тергиннер бооп: электромонтер Болат Донор-оолович Ондар, кабельщик Вячеслав Артурович Ондар, телефонист Аксана Георгиевна Изаова, чолаачы Иван Васильевич Владимиров, электромеханик Мөңгө-Байыр Бөвөй-оолович Сеңгин, инженер Орлан Маадыр-оолович Серен, саң-хөө ажилдакчысы Лолита Ивановна Иванова олар үргүлчү мактадып, даанган ажилын ак сеткилдиг күүседип келгенер. 2003 чылда харылзаа албанына Кызыл хоорайда ЛАЦ (линейно-аппаратный цех) эң эки ажилдыг болган.

Май 7 — Радио хүнү. Ол — Рос-



ЛАЦ-тын начальниги Н.П.Беспрозванный.

көөрге, ооң 54 хуузу чондан, 28 хуузу бюджет организацияларындан, 18 хуузу бот-орулгачарылгалыг бүдүрүлгелерден кирип турар. Туран хоорайга, Сарыг-Сеп, Эрзин суурларга чоннуң телефон харылзаазы ажыглаары 60 хуу оранчок ажа берген. Ынчангаш 2003 чылда орулганың өзүлдөзү мурнунда чылга деңзээрге, 138 хуу болган.

Тыва харылзаа албанының эң эки ажилдакчыларының дугайында медээни “Тывахарылзааинформ” ААН-ниң хөй-ниити-биле харылзаа чорудар инжене-

сия Федерациязының шупту харылзаачыларының ниити байырлалы. Ынчангаш тыва харылзааның сайзыралына боттук үлүүн кирип, чоннуң “караа, кулаа болган” “Тывахарылзааинформ” ААН-ниң ажилдакчыларына, республиканың бүгү харылзаачыларына ажил-ижинге, чаагай үүлөзүнге улуг-улуг чедишкыннерни, амы-хууда амыдыралына аас-кежикти күзөп каалыңар.

Борис ОНДАР.

Василий БАЛЧЫЙ-ООЛДУҢ тырттырган чуруктары.





# МАЙ ХҮННЕРИНДЕ КЫЗЫЛ ХООРАЙГА



В.САВИНЫХТЫҢ чуруктары

## Парк

### ажыттыгын

Частың болгаш Күш-ажылдың байырлалы – майның бирин кызылчылар омак-сергек уткуп алган. Агаар-бойдус соок, хаттыг хүн турза-даа, найысылалдың чурттакчылары дыштанылганың Национал парыгынга хейү-биле чыгып келген.

Ол хүн парктың чайгы сезонунун ажыдышыкынынга тураскааткан байырлыг ужуражылгага ТР-ниң Чазак кижигүну В.П.Тарыма, ТР-ниң Культура болгаш национал херектер талазы-биле яамының сайыдының оралакчызы Э.Б.Куулар, Кызыл хоорай чагыргазындан Л.Л.Волгина олар чыылганнарга байыр чедирип, чүве чугаалаан.

Юбилейлиг бо чылда дыштанылга парыгынга ийи чаа

аттракцион немешкен: "Орбита", "Вертолет". Оон аңгыда "Вихрь", "Карнавал", "Колесо", "Караван", "Поезд", "Цепочка" дээн ышкаш аттракционнар база ажылдап, чаштарны өөрткен. Теннис, бильярд болгаш каттырынчыг көрүнүктөр залдары база тир хей оолдар, уругларны чалап ойнаткан. Хеме станциязы база ажылдап эгелээн. Май 1-де катамараннап, хемелээн кижилер мырыңай эмгежок. Парк арыг-силиг, септеп-селиттинген.

А.Л.Чадамбаның удуртканы Аныяк көрүкчүнүң театрының бичи артистериниң концертин чыылганнар сонургап көргөн. Петрушка, Мальвина, Пьеро, Арлекин болгаш янзы-бүрү куклалар, дириг амытаннар болуп хуулул алган бичи артистер солун оюн-тоглаазы-биле байырлалды улам каастаан.

## Байырлал

### концерти

В.Көк-оол аттыг хөгжүм-шии театрынга май 1-ниң кежээинде байырлал концерти болган. Аңаа театрың улуг, аныяк артистери шупту киришкен.

Май 1-ниң байырлалын байырлап турганын сагындырган хор болгаш сценажыткан көргүзүп-биле концертти эгелээн. Бистиң театрың артистери ырлаар-даа, танцылаар-даа салым-чаянныын база катап бадыткаан. Билдингир апарган, каттырынчыг "Аян-кат" база катап хамыкты хөглетти. Аныяк ыраажы Шолбан Ондарның "Кударгай хек" деп ырызын трио – Олег Сат, Леонид Каң-оол, Оолак Ондар чараш-ла күүсетилер. Профессионал сценаже профессионал артистер аныяк кижиниң ырызын үндүрүп тура-

ры дээрге-ле, ол ыры хөйүнү сонургал, кичээнгейин чаалап ап эгелээниниң бадыткалы-дыр. Светлана БАЛЧЫР.

## Удурланышыкын

### акциязы

Май 1-ниң хүнүнде Арат шөлүңге Тывада профэвилелдерниң республикада чөвүлелиниң идепкейи-биле Россияның хамаарышпас профэвилелдер Федерациязының организастап турары удурланышыкын акциязын эрттирген. Аңаа нитизи-биле муң хире киж киришкен. Ук акцияны "Чаңгыс демниң Россияның" Тывада регионалдыг салбыры деткээн.

Тывада профэвилелдер чөвүлелиниң даргазы Карбай-оол Шавырааның сестери-биле алырга, бо акцияны май бириниң хүнүн Частың болгаш Күш-ажылдың байырлалы кылдыр эвес, а ажылчыннарның чаңгыс эп-



сеткил каттыжышыкынының күрүне хүнү кылдыр эрттирер сорулга-биле организастаан. Бистиң корр.

## Шыдыраа

Майның 1-де Тываның Национал парыгының ажыдышыкынынга тураскааткан аныяк шыдыраачылар аразынга хөл шыдыраага маргылдаа болган.

Аңаа 13 эң шыырак, аныяк шыдыраачы киришкен. Ойнакчылар дүрген ойнаар арга-биле 12 салыгы долгандыр ойнааннар. Түңнелинде бирги черни Артыш Чүлүдүм, ийигизин Олег Дамбиев, а үшкүзүн Чингис Ховалыг ээлеп, парктың удуртулгазының мурнундан өртектег белектер-биле шаңнатканнар.

Майның эгезинде хоочуннарга ийи удаа хөл шыдыраага маргылдаа болган. Ийиниң хүнүнде ол-ла сесерликке улуг назылыг хоочун шыдыраачылар аразынга маргылдаага киржири-биле 8 хоочуннар чыгып келген. Ойнакчылар салыг бүрүзүн бодамчалыг, шынарлыг ойнаанын демдеглеп каары артык эвес. Түңнелинде чеди салыгдан 6,5 санны алган Алдын-оол Ондар бирги черни ээлээн. Ийигизин Өвүрнүң хоочуну Бүрбүжал Монгуш, үшкүзүн Кызылда хоочун башкы Мижит Ооржак алган. Олар база өртектег белектер-биле шаңнатканнар. Парк иштинде улуг өрээлде таарымчалыг кылдыр дерээн тускай шыдыраа ойнаар чер белекеттингени өөрүнчүг.

Тываның база бир салым-чаянныг оолдарының бирээзи, шыдыраага мастерге кандидат Хеймер-оол Опанович Ондарның 68 харлаанынга тураскааткан маргылдаалар май 3-те Кызылдың коммерция техникумунга болуп эрткен. Хеймер-оол Опанович акты ак, караны кара деп дорт сөглээр киж чораан, шыдыраага ойнап чораан болгаш, ыңдыр чадавас. Ол хүн самбырага оң чуруун аскаш, чанында столга оң бижээни "Мээң Тывам — хоочум, ынакшылым", "Математиктин чагылары" деп номнарын делгээниң шыдыраачылар сонургап көргөн. А оң кады шыдыраалап чораан өңү, Тыва Республиканың каш дакпыр чемпиону Н.П.Шишигин Хеймер-оол Ондар-биле кады шыдыраалап чораан чылдарында бижиттинген эң эки 100 салыгыларын чыып бижээн номун делгеп салганы эжинге улуг хүндүткөл, тураскаал болган.

60 хардан өрү хоочуннар болгаш 7-12 харга чедир аныяк шыдыраачылар аразынга маргылдаага оң думалары Күнзеңмаа база Мөңгүн-оол Опанович Ондарлар деткиччилээн, Н.П.Шишигин биле Орлан Монгуш маргылдааны бедик деңгелег организастап эрттирген. Маргылдаага улуг назылыг хоочуннар 13, а аныяк шыдыраа-

чылардан 16 киж киришкен. Тиилекчилерни үндүрерге, бирден үшкү черге чедир черлерни шупту дең санныг (9-9) А.Ондар, М.Менниг-оол болгаш эң аныяк ойнакчы К.Тюлюш үлешкеннер. Ол ышкаш О.Шарап, Ч.Ооржак, М.Моисеев, И.Евстигнеев оларга акша шаңналдарын тывыскан. Бо маргылдааны 2006 чылда Х.О. Ондарның 70 харлаан оюнга тураскаадып эрттирип, оң адын эдилээн тускай шаңналды, кубокту тургузары чугулазын хоочуннар аңаа демдеглеп турган.

Алдын-оол ОНДАР.

## Чиик атлетика

Май 1-де найысылалга кончук соок хүн болза-даа, Тываның Россияга бактаап киргениниң 60 чылы болгаш Кызыл хоорайның тургустунганындан бээр 90 чыл оюнга тураскааткан республика чергелиг чадаг чарыш эстафетаның маргылдааларына киржир күзелдиг командалар хей болган. Совет Тываның 5 чылы аттыг стадионга ол эртен 40 хире командалар, барык 200 хире киржикчилер, оон ыңай хей санныг «аарыкчылар», көрүкчүлөр чыылган.

4x100 метр хемчээлдиг эстафетага оолдардан бирги-үшкү черлерни ТКУ-нун, автоорук техникумунун, Кызылдың башкы

колледжизиниң командалары ээлээн. Ол-ла хемчээлге уруглардан бирги черни автоорук техникумунун, ийигизин Кызылдың 2 дугаар школазының, үшкүзүн көдээ ажыл-агый техникумунун командалары алган.

4x400 метр хемчээлдиг эстафетага оолдардан ТКУ-нун, Кызылдың башкы колледжизиниң база көдээ ажыл-агый техникумунун командалары тергидээн. Уруглардан 8 дугаар школаның, 2 дугаар школаның база ТКУ-нун уруглары шаңналдыг черлерже кирген.

400 метр-800 метр-400 метр-800 метр хемчээлге швед система-биле эрткен эстафетага хоорайның 8 дугаар школазы, автоорук, башкы колледжизиниң командалары артык күштүүн, шыырак белекелдиин көргүскеннер. Бо маргылдааларга 8 дугаар школаның (күш-культура башкылары А.А.Позябкин, А.И.Большешапов), автоорук техникумунун (В.В.Шестаков), 2 дугаар школаның (С.В.Сырат, М.Х.Баазан), башкы колледжизиниң (Ховалыг Ш.К.) командалары идепкейлиг киржип, бедик деңгеледин көргүскеннер.

## Хүреш

Байырлалдар хүннеринде, май 1-де тыва хүрешке уруг-

ларның болгаш элээдилерниң спорт школаларының 1990-1991 чылда төрүттүнген өөреникчилериниң аразынга тыва хүрешке бир дугаар республика чергелиг маргылдаа болган. Маргылдаага 10 команда киришкен. Өзүп орап 13-14 харлыг мөгелерниң аразындан кожууннардан келген оолдарның арга-мергежил болгаш күш-шыдал талазы-биле онза ылгалды эскертинип турган.

Командазының адын тудуп хүрешкен маргылдааның түңнелинде бирги черни Кызыл кожуун оолдары, ийигизин Өвүрнүң командалары, үшкүзүн Каа-Хем кожуунунуң командалары ээлээн. Команда аайы-биле хүреш соонда оолдарның аразындан тулган мөгени илередири-биле тыва хүрешке маргылдаа база болган. 1990-1991 чылда төрүттүнген оолдар аразында республиканың тулган мөгези атты Кызылдың 9 дугаар школазының чедиги классчызы Сонам Саян чаалап алган. 15 дугаар школадан Сүбүдей Монгуш үжүрүлешкен. Үшкү-дөрткү черлерни Би-Хемниң Сушь школазының өөреникчизи Денис Седилей биле Бай-Тайганың Бай-Дагдан бичи мөге Айдыс Чигжит ээлээннер.

Бистиң корр.

## СПОРТЧУ МАРГЫЛДААЛАР



